

ՀԱՍՏԱՏՎԱԾՎԱԾ Է՝

ՀԱՍՏԱՏՎԱԾ Է՝

«Մանկության գործերով կառավարիչների  
կոլեգիա» Ինքնակարգավորվող  
կազմակերպության Դիտորդ խորհրդի

14.04.2023թ. արձանագրությամբ

«Մանկության գործերով կառավարիչների  
կոլեգիա» Ինքնակարգավորվող  
կազմակերպության Ըստանուր ժողովի

20.05.2023թ. թիվ 1 որոշմամբ

«ԱԳԿԿ» ԻԿ  
Դիտորդ խորհրդի նախագահ  
Ա. Չիտյան

«ԱԳԿԿ» ԻԿ  
Դիտորդ խորհրդի նախագահ  
Ա. Չիտյան

ԱՆԴԱՄԱՎՃԱՐՆԵՐԻ, ՄՈՒՏՔԻ ԵՎ ԱՅԼ ՎՃԱՐՆԵՐԻ  
ՉԱՓԻ ՈՒ ՎՃԱՐՄԱՆ ՎԵՐԱԲԵՐՅԱԼ

## ԿԱՐԳ

Նոր խմբագրությամբ

Հայաստանի Հանրապետություն  
քաղաք Երևան

2023թ.

## 1. ԸՆԴՀԱՆՈՒՐ ԴՐՈՒՅԹՆԵՐ

1.1.ՀՀ օրենսդրության, «Մնանկության մասին» ՀՀ օրենքին համապատասխան, Անդամավճարների, մուտքի և այլ վճարների չափերի ու վճարման վերաբերյալ կարգը (այսուհետ՝ Կարգ) սահմանում է Մնանկության գործերով կառավարիչների կոլեգիա» Ինքնակարգավորվող կազմակերպության անդամների կողմից վճարվելիք անդամավճարների, մուտքի և այլ վճարների իրականացման չափը, կարգը, ժամկետները և պայմանները:

### 1.2.Սույն կարգի նպատակներն են՝

- Կանոնադրությամբ սահմանված կարգով կազմավորել Կազմակերպության սեփականությունը,
- սահմանել Կազմակերպությանը վճարվելիք անդամավճարների, մուտքի և այլ վճարների իրականացման չափը,
- սահմանել Կազմակերպությանը վճարվելիք անդամավճարների, մուտքի և այլ վճարների իրականացման ժամկետները և դրանց հաշվարկման կարգը,

### 1.3.Կազմակերպության գործունեությունն իրականացնելու համար նրա անդամները պարտավոր են վճարել՝

- մուտքի վճար,
- անդամավճար:

1.4.Կազմակերպության սեփականությունը գոյանում է նաև դրամաշնորհներից, նվիրատվություններից և Օրենքով սահմանված կարգով իրականացված այլ գործունեությունից, այդ թվում օտարերկրյա աղբյուրներից: Կազմակերպության անդամների կողմից սեփականության իրավունքով Կազմակերպությանը հանձնած, ինչպես նաև այլ աղբյուրներից ստացված գույքը Կազմակերպության սեփականությունն է:

1.5.Կազմակերպությանը վճարվելիք անդամավճարները, մուտքի և այլ վճարները սնանկության գործով կառավարիչները իրականացվում են կանխիկ ձևով կամ Կազմակերպության հաշվեհամարին փոխանցելու միջոցով:

## 2. ԱՆԴԱՄԱՎՃԱՐՆԵՐԸ ԵՎ ԱՅԼ ՎՃԱՐՆԵՐԸ ՎՃԱՐԵԼՈՒ ՉԱՓԸ ԵՎ ԺԱՄԿԵՏՆԵՐԸ

2.1.«ՍԳԿԿ» ԻԿ-ին անդամակցելու համար անդամության թեկնածուները պարտավոր են Կազմակերպության բանկային հաշվին փոխանցել՝ Ընդհանուր ժողովի կողմից հաստատված մուտքի վճարը, որը կազմում է 500.000 (հինգ հարյուր հազար) ՀՀ դրամ:

2.2.Մուտքի վճարի վճարումը կատարվում է Կազմակերպությանը անդամակցելու վերաբերյալ դիմումը ներկայացնելուց առաջ:

2.3.Կազմակերպության անդամակցությունը կամավոր դադարեցնելու կամ անդամին կազմակերպությունից հեռացնելու դեպքում նախապես վճարված մուտքի վճարը և անդամավճարներ ենթակա չեն վերադարձման:

2.4.Այնպիսի դեպքերում, եթե Դիտորդ խորհուրդը որոշում է կայացնում Կազմակերպությանը անդամագրվելու դիմումը մերժելու վերաբերյալ, նախապես վճարված մուտքի վճարը վերադարձվում է դիմումատուին՝ որոշման ընդունման պահից մեկամյա ժամկետում, նրա կողմից նշված բանկային հաշվին փոխանցելու միջոցով:

2.5.Կազմակերպության անդամները պարտավոր են վճարել Ընդհանուր ժողովի կողմից հաստատված անդամավճար, որը կազմում է ամսեկան 10.000 (տաս հազար) ՀՀ դրամ, իսկ 65 տարին լրացած կազմակերպության սնդամները վճարեն ամսեկան 1000 /հազար/ դրամ: Անդամավճարի վճարումը կատարվում է անկախ սնանկության գործով կառավարչի վարույթում գտնվող վարույթների քանակից:

## 3.ԴՐԱՄԱՇՆՈՐՉՆԵՐԻ ԵՎ ՆՎԻՐԱՏՎՈՒԹՅՈՒՆՆԵՐԻ ՏՐԱՄԱԴՐՄԱՆ ԵՎ ՕԳՏԱԳՈՐԾՄԱՆ ՊԱՅՄԱՆՆԵՐԸ

3.1.Կազմակերպության անդամները, ինչպես նաև ցանկացած ֆիզիկական կամ իրավաբանական անձինք իրավունք ունեն ֆինանսական աջակցություն ցուցաբերել Կազմակերպությանը, որը կարող է իրականացվել գույքի անհատույց փոխանցման, ծառայությունների մատուցման կամ նվիրատվության միջոցով:

Նվիրատվությունների և ֆինանսական աջակցությունների արդյունքում գոյացած գումարները կամ այլ նյութական միջոցները հանդիսանում են Կազմակերպության սեփականությունը և օգտագործվում են միայն Կազմակերպության նպատակների իրագործման համար:

3.2.Բացառիկ դեպքերում Դիտորդ խորհրդի կողմից կարող է որոշում կայացվել Կազմակերպության անդամներին անհապաղ ֆինանսական օգնություն ցուցաբերելու

վերաբերյալ: Ֆինանսական աջակցության տրամադրման չափը և կարգը որոշվում է Դիտորդ խորհրդի կողմից:

3.3. Կամավոր նվիրատվությունները և ֆինանսական աջակցությունը չեն կարող համարվել որպես մշտապես վճարվող անդամավճարներ:

#### 4. ԱՆԴԱՄԱՎՃԱՐՆԵՐԻ, ՍՈՒՏՔԻ ԵՎ ԱՅԼ ՎՃԱՐՆԵՐԻ ՊԱՏՇԱՃ ԿԱՏԱՐՄԱՆ ՆԿԱՏՄԱՄԲ ՎԵՐԱՀՍԿՈՂՈՒԹՅՈՒՆԸ

4.1. Կազմակերպության համապատասխան մարմինները իրավասու են վերահսկողություն իրականացնել անդամների կողմից անդամավճարների, մուտքի և այլ վճարների վճարումների նկատմամբ: Կազմակերպության մարմինները կարող են իրականացնել ստուգումներ և ճշտել փոխանցված վճարների չափը:

4.2. Վերահսկողությունն իրականացնելու նպատակով Կազմակերպության համապատասխան մարմինները իրավասու են սնանկության գործով կառավարիչներից պահանջելու անհրաժեշտ բոլոր փաստաթղթերը:

4.3. Կառավարչի կողմից համապատասխան վճարները չկատարելը հանգեցնում է վերջինիս նկատմամբ կարգապահական պատասխանատվության:

#### 5. ԵԶՐԱՓԱԿԻՉ ԴՐՈՒՅԹՆԵՐ

5.1. Կազմակերպության անդամի կողմից իրականացվելիք վճարումների պարտավորությունների պարբերական խախտումների՝ երեք ամիս անդամավճարի չվճարման առկայության դեպքում Գործադիր տնօրենը իրավասու է դիմում ներկայացնել Կարգապահական հանձնաժողովին, որը Կազմակերպության կանոնադրությամբ սահմանված կարգով հարուցում է կարգապահական վարույթ:

5.1.1. Սույն Կարգով հաստատված անդամավճարները, մուտքի և այլ վճարները սնանկության գործով կառավարիչների կողմից չկատարելու դեպքում, դրանց բոնագանձումը կատարվում է դատական կարգով:

5.2. Կազմակերպության անդամակցությունը կամավոր դադարեցնելու դեպքում կառավարչի դիմումի հետ միաժամանակ Դիտորդ խորհրդի կողմից քննվում է նաև Կազմակերպության հանդեպ նրա դրամական պարտավորությունների առկայությունը:

5.3. Այնպիսի դեպքերում, եթե սնանկության գործով կառավարչի իրավասությունները դադարեցվում են կառավարչին առաջադրվող պայմանների անհամապատասխանության,

կարգապահական պատասխանատվության կամ որակադրման դադարեցման հիմքով, անդամավճարների կամ այլ վճարների բռնազանձումը կատարվում է դատական կարգով:

5.4. Սույն Կարգը ուժի մեջ է մտնում Կազմակերպության Ընդհանուր ժողովի կողմից հաստատելու պահից:

5.5. Սույն Կարգը ուժի մեջ մտնելու պահից՝ 27.05.2017թ. Ընդհանուր ժողովի թիվ 1 արձանագրությամբ հաստատված «Մնանկության գործերով կառավարիչների կուեզիա» Ինքնակարգավորվող կազմակերպության «Անդամավճարների, մուտքի և այլ վճարների չափի ու վճարման վերաբերյալ» կարգը համարվում է ուժը կորցրած: